

**Talamdan sa
Mga Mensahe alang sa Full-time Training
sa Spring Term sa 2026**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
UNA UG IKADUHANG TESALONICA**

Mensahe 10

**Ang Diosnong Pagbalaan alang sa Diosnong Pagkaanak—
ang Sentrong Hunahuna sa Pinadayag sa Bag-ong Tugon**

Basahong Kasulatan: Efe. 1:4-5; 5:26-27; Heb. 2:10-11; 1 Tes. 5:23

- I. Ang labing kahibulongan, maayo kaayo, misteryoso, ug malangkobon-sa-tanan nga pagkatransporma sa walay kataposan ug Tulo-usang Dios sa pagkahimo Niyang tawo mao ang lihok sa Dios diha sa tawo aron mahuman ang walay kataposang pamatigayon Niya—Juan 1:14, 29; 3:14; 12:24; Buh. 13:33; 1 Ped. 1:3; 1 Cor. 15:45b; Buh. 2:36; 5:31; Heb. 4:14; 9:15; 7:22; 8:2:**
- A. Mga kahikayan kining mga pagtranspormaha nga giagian sa Tulo-usang Dios sa pagkahimo Niyang Dios-tawo, nga nagdala sa pagkadios nganha sa pagka-tawo ug nagsagol sa pagkadios ug pagka-tawo isip sumbanan alang sa dinaghang paghulad sa daghang Dios-tawo; nahimo Siyang pagkalawas sa Tulo-usang Dios, nga nagdala sa Dios nganha sa tawo ug naghimo sa Dios nga makontak, mahikap, madawat, masinati, masudlan, ug mapahimuslan—Juan 1:14; 12:24; Col. 2:9.
- B. Gihisgotan sa Dios kining mga pagtranspormaha sa Oseas 11:4 sa pag-ingon nga, “Gibira Ko sila pinaagi sa mga lubid sa tawo, / Pinaagi sa mga bugkos sa gugma”; ang pamulong *pinaagi sa mga lubid sa tawo, pinaagi sa mga bugkos sa gugma* nagpakita nga gihigugma ta sa Dios sa diosnong gugma Niya dili sa pagkabutang sa pagkadios kondili sa pagkabutang sa pagka-tawo; diosnon ang gugma sa Dios, apan nidangat kini kanato diha sa mga lubid sa tawo, sa ato pa, pinaagi sa pagka-tawo ni Cristo:
1. Ang mga lubid (ang mga pagtransporma, ang mga kahikayan) nga pinaagi niini gidani ta sa Dios naglakip sa pagpakatawo ni Cristo, sa Iyang pagkinabuhi ingog tawo, pagkalansang sa krus, pagkabanhaw, ug pagkayab; pinaagi man ning tanang lakang ni Cristo sa pagka-tawo Niya nga nidangat kanato ang gugma sa Dios diha sa Iyang kaluwasan—Jer. 31:3; Juan 3:14, 16; 6:44; 12:32; Rom. 5:5, 8; 1 Juan 4:8-10, 16, 19.
 2. Bulag ni Cristo, dili gyod magmadaogon kalabot nato ang molungtad-sa-dayon nga gugma sa Dios, ang dili mausab, nagbuntog nga gugma Niya; madaogon ang dili mausab nga gugma sa Dios kay gugma man kini diha ni Cristo, uban ni Cristo, pinaagi ni Cristo, ug alang ni Cristo.
 3. Bisan sa atong mga kapakyasan ug kasaypanan, kanunay gyong magmadaogon ang gugma sa Dios; molungtad sa tanang butang ang gugma ug magpabilin hangtod sa hangtod; ang gugma ray ilhanan sa hamtong nga tawo ug molungtad kini hangtod sa eternidad—Rom. 8:35-39; 1 Cor. 13:8-11; Jer. 31:3.
- C. Sukad sa kanhing mga panahon, sukad sa mga adlaw sa eternidad, nangandam ang Tulo-usang Dios nga mogula gikan sa eternidad nganha sa panahon, aron moabot uban sa Iyang pagkadios nganha sa pagka-tawo sa pagkahimugso Niya sa Bethlehem ingon nga tawo—Miq. 5:2:
1. Ang tuyo sa pagpakatawo pagdala man sa Dios nganha sa tawo ug himoong tawo ang Dios aron mahimong Dios ang tawo sa kinabuhi ug kinaiya Niya apan dili sa ranggo sa Iyang pagka-

Dios; Siya ang bugtong-talagsaong Dios nga simbahon sa mga tawo diha sa ranggo sa Iyang pagka-Dios, apan Dios ta sa kinabuhi ug kinaiya ra, dili sa ranggo sa pagka-Dios.

2. Naa sa tawo ug pinaagi sa tawo ang lihok sa Dios aron himoong Dios ang tawo, himoong Dios ang tawo sa kinabuhi, kinaiya, pagbuhat, ug pagpadayag apan natural, dili sa ranggo sa pagka-Dios; kay gipaambit na man ang “Espiritu ang Balaan” nganhi sa atong espiritu, usa ka espiritu na ta ug ang Espiritu (Rom. 8:16; 1 Cor. 6:17), ug “balaang espiritu” na karon ang atong espiritu (2 Cor. 6:6).
3. Busa, isip mga Dios-tawo, dili ta angay nga molihok, moatubang sa bisan unsang sitwasyon, o motagbo sa bisan unsang panginahanglan nga bulag sa malangkobon-sa-tanan nga Espiritu; ang paagi nga sundon nato karon mao ang paagi nga molihok diha sa lihok sa Espiritu ug palihokon ang Espiritu diha sa atong lihok—Bug. 22:17a; Rom. 8:4; Gal. 5:25; Rom. 1:9; Fil. 3:3; itandi sa Ezeq. 1:15-21.
4. Sa basahon sa Mga Buhat nilihok ang tawo diha sa lihok sa Dios, ug nilihok ang Dios diha sa lihok sa tawo; busa, nahimong nagsilbing Dios ang mga apostol, sa ato pa, Dios diha sa pagbuhat—16:6-10.

II. Ang diosnong pagbalaan alang sa diosnong pagkaanak mao ang sentro sa diosnong pamatigayon ug ang sentrong hunahuna sa pinadayag sa Bag-ong Tugon—Efe. 1:4-5:

- A. Gipili ta Niya diha ni Cristo sa wala pa matukod ang kalibotan nga mabalaan aron mahimo tang Dios sa kinaiya (v. 4); ang Dios ray Balaan; aron mabalaan ta, gikinahanglan nato ang Dios diha sa balaang kinaiya Niya nga ipaambit nganhi nato, ug kining balaang kinaiya mahimong balaang elemento nga maoy ibalaan sa Espiritu Santo kanato (1 Ped. 1:15-16; 2 Ped. 1:4; Heb. 12:14).
- B. Gitudlo ta Niyang daan ngadto sa pagkaanak bisan sa wala pa ta gilalang aron mahimo tang Dios sa kinabuhi (Efe. 1:5); aron mahimo tang mga anak sa Dios, kinahanglang ipanganak ta sa Dios pinaagi sa pagpaambit sa kinabuhi sa Dios nganha sa atong pagkatawo (Juan 1:12-13; 3:6; 1 Juan 5:11-12):
 1. Gipadayag sa Efeso 1:4-5 nga gipili ta sa Dios aron mabalaan sa tuyo nga mahimo tang mga anak sa Dios; ang pagbalaan mao ang kahikayan, ang paagi, samtang ang mahimong mga anak sa Dios mao ang tumong, ang tuyo, aron ang tibuok natong pagkatawo, lakip na ang atong lawas (Rom. 8:23), “himoong anak” sa Dios (Bug. 21:2, 9-11).
 2. Gipadayag sa Mga Hebreohanon 2:10-11 nga ang nabanhawng Cristo nga Kapitan, ang Mag-uugda sa kaluwasan sa Dios nagdalag daghang anak ngadto sa himaya pinaagi sa pagbalaan kanila.

III. Ang diosnong pagbalaan mao ang linyang nagkupot sa pagtuman sa diosnong pamatigayon nga diosnong “mag-anak” nato, maghimo natong mga anak sa Dios aron masama ta sa Dios sa Iyang kinabuhi ug kinaiya (apan dili sa ranggo Niya sa pagka-Dios), aron mahimo tang pagpadayag sa Dios; busa, ang pagbalaan sa Dios mao ang diosnong pag-anak:

- A. Niingon ta nga ang pagbalaan mao ang linyang nagkupot kay ang matag lakang sa buhat sa Dios kanato paghimo man kanatong balaan; gituman ang walay kataposang pamatigayon sa Dios pinaagi sa pagbalaan sa Espiritu—1 Tes. 5:23; Juan 17:17; Efe. 5:26-27; 1 Cor. 6:11; 12:3b; Heb. 12:4-14; Rom. 8:28-29; Efe. 4:30; 1 Tes. 5:19; Bug. 2:7a; Sal. 73:16-17, 25-26.
- B. Ang nangitang pagbalaan, ang sinugdang pagbalaan, ngadto man sa paghinulsol aron madala tag balik ngadto sa Dios—1 Ped. 1:2; Luc. 15:8-10, 17-21.
- C. Ang nagtubos nga pagbalaan, ang pagbalaan sa posisyon, pinaagi man sa dugo ni Cristo, aron mabalhin ta gikan ni Adam ngadto ni Cristo—Heb. 13:12; 9:13-14; 10:29
- D. Ang nag-anak pag-usab nga pagbalaan, ang sinugdan sa pagbalaan sa disposisyon kun taras, nagbag-o nato sugod sa atong espiritu aron himoong mga anak sa Dios kitang mga makasasala—bag-ong binuhat nga dunay diosnong kinabuhi ug kinaiya—Juan 1:12-13; 2 Cor. 5:17; Gal. 6:15.

- E. Ang nagbag-ong pagbalaan, ang pagpadayon sa pagbalaan sa disposisyon kun taras, nagbag-o sa atong kalag sugod sa atong salabotan ngadto sa tanang bahin sa atong kalag aron himoong bahin sa bag-ong kabuhatan sa Dios ang atong kalag—Rom. 12:2b; 6:4; 7:6; Efe. 4:23; Ezeq. 36:26-27; 2 Cor. 4:16-18
- F. Ang nagtranspormang pagbalaan, ang adlaw-adlaw nga pagbalaan, metabolicong nag-umol nato pag-usab sa elemento ni Cristo aron himoon tang bag-ong inumol nga bahin sa organicong Lawas ni Cristo—1 Cor. 3:12; 2 Cor. 3:18.
- G. Ang nagpasamang pagbalaan, ang naghulmang pagbalaan, naghulma nato sa dagway sa mahimayaong Cristo aron himoon tang pagpadayag ni Cristo; ang pagkasama nato mao ang pagkahamtong nato sa diosnong kinabuhi nga pinaagi niini hingpit tang makaambit sa pagkadios sa Dios ug matibuok sa pagpanag-iya nato sa Iyang diosnong elemento—Rom. 8:28-29; Heb. 6:1a.
- H. Ang naghimayang pagbalaan, ang naghingpit nga pagbalaan, nagtubos sa atong lawas sa pag-usab sa dagway niini aron himoon tang pagpadayag ni Cristo sa hingpit gyod ug naa sa himaya—Fil. 3:21; Rom. 8:23.

IV. Ang diosnong pagbalaan sa disposisyon gibuhat ni Cristo nga Espiritung taghatag-og-kinabuhi, nagbalaan, ug namulong—1 Cor. 15:45b; 1 Tes. 5:23; Efe. 5:25-27; A.A. 8:13-14:

- A. Gibalaan ni Cristo nga Espiritung taghatag-og-kinabuhi ang iglesia sa paghinlo Niya niini sumala sa paghugas sa tubig nga naa sa pulong; sumala sa diosnong hunahuna, nagpasabot ang tubig dinhi sa nag-agay nga kinabuhi sa Dios nga gihulagwayan sa nag-agay nga tubig (Exo. 17:6; 1 Cor. 10:4; Juan 7:37-39; Bug. 7:17; 21:6; 22:1, 17); naa ta karon nianang kahikayan sa paghugas aron mabalaan ug mawalay-apan ang iglesia.
- B. Ang Griyegong pulong sa *paghugas* in Efeso 5:26 sa linetra *dulang*; sa Daang Tugon gigamit sa mga sacerdote ang *dulang* sa paghugas sa yutan-ong kahugaw nila (Exo. 30:18-21); adlaw-adlaw, buntag ug gabii, mobasa gyod ta sa Biblia ug magpahinlo sa *dulang* sa tubig nga naa sa pulong.
- C. Gigamit ni Pablo ang Griyegong pulong *rhema* sa paghisgot niya sa pulong ug sa kahikayan niini sa paghugas (Efe. 5:26); ang logos mao ang Pulong sa Dios nga objectibong nasulat sa Biblia; ang rhema mao ang pulong sa Dios nga gipamulong kanato sa pihong okasyon (Mar 14:72; Luc. 1:35-38; 5:5; 24:1-8).
- D. Ingon nga Espiritung taghatag-og-kinabuhi, si Cristo ang namulong nga Espiritu; bisan unsang gipamulong Niya mao ang pulong nga naghugas nato; wala kini magpasabot sa logos, sa makanunayong pulong, kondili sa rhema, nga nagpasabot sa dihadhang pulong, sa pulong nga gipamulong sa Ginoo kanato karon—Mat. 4:4; Juan 6:63; Bug. 2:7; 22:17a; itandi sa Isa. 6:9-10; Mat. 13:14-15; Buh. 28:25-31.
- E. Dunay gipadayag ang rhema kanato sa personal ug direkta gyod; gipakita niini kanato kon unsay kinahanglan natong atimanon ug sa unsa ta kinahanglang mahinloan (salamin nga makapasumbalik ug makabutyag ang *dulang* nga tumbaga—Exo. 38:8); ang importante alang sa tagsatagsa kanato mao kini—namulong ba ang Dios kanako karong adlaw?—Bug. 2:7; 1 Sam. 3:1, 21; Amos 3:7.
- F. Ang usa ka butang nga kanunay natong gimahal mao nga personal ug direkta pa gihapong namulong ang Ginoo kanato karon; nag-agad ang tinuod nga pagtubo sa kinabuhi sa direktang pagdawat nato sa pulong gikan sa Dios; ang pagpamulong ra Niya sa sulod nato ang dunay tinuod nga espirituhanong bili—Heb. 3:7-11, 15; 4:7; Sal. 95:7-8.
- G. Ang sentrong punto sa atong mga pag-ampo mao gyod unta ang pagpangandoy nato sa pagpamulong sa Ginoo, nga makapatuman nato sa tumong sa walay kataposang pamatigayon Niya sumala sa gitinguha sa Iyang kasingkasing nga maato ang diosnong pagkaanak Niya—Luc. 1:38; 10:38-42; Efe. 1:5.

- H. Sa praktikal kaayong kahulogan, nausa ang presensya sa Ginoo sa Iyang pagpamulong; matag panahon nga mamulong Siya, maamgohan nato ang Iyang presensya sa sulod nato; ang pagpamulong ni Cristo mao ang presensya mismo sa Espiritung taghatag-og-kinabuhi—itandi sa Exo. 33:12-17; Heb. 11:8.
 - I. Ang pagpamulong sa nagpuyo-sa-sulod nga Cristo nga Espiritung taghatag-og-kinabuhi sa sulod nato mao ang naghinlong tubig nga nagdepositog bag-ong elemento nganhi nato nga mopuli sa daang elemento sa atong kinaiya ug taras; makaingon kining metabolicong paghinlo og tinuod ug sulodnong kausaban sa kinabuhi, nga mao ang realidad sa pagbalaan ug pagtransforma sa taras.
- V. Ang pagbalaan kanato alang sa diosnong pagkaanak sa kinataposan mahingpit sa Bag-ong Jerusalem nga balaang syudad (Bug. 21:2, 10) ug ang kinatibuk-an sa diosnong pagkaanak (v. 7); kini ang kinataposang kahingpitan sa Dios nga nahimong tawo diha sa unod aron mahimong Dios ang tawo diha sa Espiritu aron mabatonan ang hiniusa nga dakong Dios-tawo (vv. 3, 22) aron hiniusang mapadayag, mahimaya, ang Tulo-usang Dios (vv. 11, 23).**